



pa Aruba



INSTALA AIREACON-
DICONADO NA BO

cas AWORI!

Tel. 2170



Reaccion Hapones riba desicion di asosacion economico Europeo

TOKIO, 15 jan. — Hapon lo trata di forma parti na e Asociacion Economico Europeo y tombe no e mesun momentu di formo un comunidad di e oceano Pacifico septentrional.

Asina e circulacion comercial na Tokio, a bisa a consecuencia desicion pa cuminsa cu e segundo etapa die tratado di Roma door dje consoho di ministranan di e asosacion economico Europeo.

Hapon lo hanje obliga di concentra su mes riba e comercio cu Europa. Na e mesun tempu e meser haci e lacion cu Merca y Canada den un tal comunidad mas fuerte.

E delegadonan Europeo y Africano cerca Naciones Uni, y principalmente esnan di Brazzaville a ricibi e desicion aki favorablemente. Asina nan a tende na New York.

Segun nan tur loke tin relacionan economico cu West Europa, esta principalmente paisnan cu ta menos desarolla lo hanja bon provecho, y tambe e paisnan cu ta exporta productonan di basis y materialnan primamanera Africa, lo hanja consumidornan stabile.

Nan no a opinion, cu door di e desicion nan lo haci e deliberacionnan pa afiliacion di Inglaterra mas pronto posibel.

Sin embargo Union Sovietica y cierto paisnan Africano Azitico ta jalors riba e "concurrency economico di e mercado comun" aki. E ministro Italiano di exterior, Segni, a bisa awe na su regreso na Rome for di

Brussel, cu e desicion ta pa tur hende un punto cla di e fuerza grandi di colaboracion politico, cu ta existi den e mercado comun aki.

Nan a yega na un acuerdo riba puntoonan di vista cu tabata parec masha dificil. Asina el a bisa. Door di e desicion aki e politica y e economia di nos comunidad ta bira mas fuerte.

Un portavoz dje ministerio Aleman di agricultura a bisa awe, cu e desicion ta muestra, cu e gobierno federal ta dispuesto pa un compromiso, hasta si ta trata tambe di un kestion di ex-

El a bisa cu e periodo di transicion te 1969 tin poco posibilidad pa cambio nan grandi den e politica agricola.

E gobierno di Alemania West ta conforma riba e hecho, cu e desicion no a trece perjuicionnan importante pa e campesinonan di Alemania West di circulacion di gobierno nan a terden, cu canceller Adenauer a expresa su satisfaccion grandi tocante e desicion aki.

Na Londen nan a tuma e desicion cu satisfaccion. Pero nan no a duna ningun comentario oficial.

Edward Heath, e sub-minister Ingles di exterior cu ta encarga cu e deliberacionnan aki, esta di e afiliacion di Inglaterra den e comunidad, lo delibera diahuebs na Brussel cu e ministerianan en cuestion.

DIFICULTADNAN DEN BESTUUR NA SABA

Administrador a ser reeleva di su puesto

WILLEMSTAD 15 jan. — Atròbe a descubri dificultadnan no Sabo, onto den top di Bestuur. Gobierno di Antillas a reeleva administrador dje isla aqui di su puesto y internamente C. O. van Delden ta encarga cu esouki su puesto, te ora cu e administrador nabo yega. Po e puesto aki ta bini na remarca Sr. L. M. Overberg cu octuolmente to trahanda na administracion di Finanzas.

Entre tanto desenfrena un conflicto abierto entre e seccion Saba di eilandraad di islanan ariba i un dje dos deputadonan Sr. J.E.M. Livingstone, Seccion Saba a termina su confianza den su gobernacion en relacion di e malversacionnan pretendi.

E desarrollo aki a ocasiona, cu sr. Ch. E.W. Voges miembro di Staten, na number di Partido Nacional di Pueblo na Corsou, a haci tres pregunta por escrito, den cualnan a ser informa di marcha dje asuntunan menciona. En particular e interes di sr. Voges ta bai na e gobernacion en relacion cu overplating di administrador Every, kende segun sr. Voges hustamente ta investigando e malversacionnan i en relacion cu esei lo a tuma medidanan.

Ni cerca RVD, ni tampoco cerca sr. Voges te diasabra mainta no por a hanja ningun particularidad mas respecto e asunto desagradable aki, cu atròbe ta faha atencion riba e desacuerdonan skerpi i e dificultadnan den Bestuur na Saba.

E siman aki en realidad e seccion Saba di eilandraad di islanan ariba a reuni, pero relatonan por escrito di loke cu a ser trata den e reunion aki no a yega te diasabra na Corsou pa motibo dje dificultadnan den comunicacion di correo. Den curso dje siman aki por spera esakinan na Corsou.

Diez-cinco miembro
Eilandraad di territorio insular di islanan ariba ta consisti di 15 miembro. St. Maarten, St. Eustatius i Saba cada un ta scohe cinco miembro, cu hunto ta forma un seccion den raad. Den eilandregeling ta estipula cu e eilandraad den e seccionnan por delibera i dicidi apart. Pa un decision di raad como un enter ta existi acuerdo di tur.

Gezaghebber di isla "riba sr. J.J. Beaujon, tin su residencia na St. Maarten. Na Saba i St. Eustatius e ta ser asisti pa administradornan, cu ta ser nombra pa gobernador di Antillanan Neerlandese, geschorst i retira. Luego tin na cada un dje islanan aki dos deputado. Sr. Every, empleado den servicio di land, segun RVD a ser un anja i mei pasa nombra internamente cu puesto di administrador na Saba. De la manera cu actualmente e ta re-eleva di su puesto i a bolbe 'trobe den servicio di land na Corsou como adjunct-comis. Di parti digno di confianza no ta informa cu e overplating di sr. Every na ningun manera no tin di haber cu e asunto dje malversacion eventual na Saba, pero ta keda simplemente riba

Investigacion
Luna pasa Ministro-presidente E. Jonckheer manera nos por sa, a bai haci un viaje di orientacion na St. Maarten pa discuti problemanan actual cu e Gezaghebber Beaujon.

Controversie
Tampoco na RVD no tabatin ningun particularidad concreto te diasabra mainta respecto e malversacionnan pretendi, cu evidentemente tabata califica contra diputado Livingstone durante e reunion di seccion Saba di eilandraad. Wel ta conoci cu ya ta hasta tem ta reina un controversie entre e y e otro deputado. Durante tratamiento di begroting den Staten Sr. Voges a jama atencion di gobierno pa e regularidadnan pretendi den Bestuur di islanan ariba, specialmente na Saba. E caso ta un asunto di gastamentu di placa di gobierno na beneficio di finnan cu un deputado tin interes objetivo.

Luego nos a tende tambe di RVD cu e preguntanan por escrito di sr. Voges na corto termino lo ser contesta. Awe sr. Overberg lo bai St. Maarten. Prome di bai ocupa su puesto nobo como administrador, primeramente lo i tin di dirigi na oficina di Gezaghebber pa orientacion respecto e problemanan actual. Sr. Van Delden cu internamente ta ocupa puesto di administrador na Saba ta comis na oficina di Gezaghebber Beaujon.



E portret mas ariba ta presenta pa nos sra. Rada Adzhubei-Krushev. E grupo di homber rond di dje ta periodistanan principalmente di tras di cortina di heru cu ta na camina pa e convenen na Havana. E homber banda di dje cu net na e momento aki ta pasa man den su cabeinanta sr. Alexei Adzhubei, su exposo, hoofdredacteur dje corant di estado ruso „Izvestia“.

Riba e otro portret nos ta mira e jiu muhe di Krushev sinta riba bordes di puerto aereo Princesa Beatrix.

N. A. P. R. A. A REUNI AJERA NA ARUBA

Estatuto a ser unanimemente aproba

ORANJESTAD, 15 jan. — Aprobacion dje estatutonan di N.A.P.R.A. tabata e punto principal di e reunion general pa mlembronan cu ayera a ser teni den sala di conferencia di Aruba Caribbean Hotel. Netherlands Antilles Public Relations Association (N.A.P.R.A.), a ser funda 31 di agosto anja pasa. Durante e reunion cual a dura tres ora, organizacion dje asociacion a ser perfecciona mas leuw y decisionnan importante importante a ser tuma, entre otro formacion di comisionnan separa, provisionalmente na Aruba y Corsow.

E hincico mlembronan cu a asisti na e reunion tabata representa un gran numero dje empresanan mas importante entre nan Lago. C.P.I.M., Maduro & Sons, Curacao Trading Company, Sight Seeing De Palm Tours di Aruba, oficina di propaganda Carab. Su Provecho y Dovalé Advertising. Camara di Comercio di Aruba. Curacaose Vereniging voor Handel en Nijverheid, servicio informativo di Aruba y Corsow. Toeristenkantor di Aruba y Aruba Caribbean Hotel-Casino. Na mesa di directiva nos a observa president R.A.C. Henriquez, vice-president Clinton H. Whitfield, secretario A. Beaujon, tesorero T.P. Gale y tambe e mlembronan E. Byington, A.J. Jesurun, Michael S. Kuiperi y Nicolaas Piña. Senyor H.L. Braam a hanje stroba y no tabata presente.

Funda anja pasa

N.A.P.R.A. a ser funda 31 di agosto 1961 den Hotel Curacao Intercontinental den presencia di 32 interesado, entre cual di Aruba senjores M. Kuiperi, N. Piña, A. Arends, C.H. Whitfield y E. Byington. Tabatin dos motibo importante na fundacion dje asociacion aki. Na prome lugar e hecho na Antillas tabata existi gran necesidad di un asociacion di personalnan, kendenan ta traha 'riba terreno di public relations of kendenan na un of otro razon tin hopi interes pa public relations. Ademas e hecho tambe cu na september 1961 tabatin e 2do. Congreso Inter-americano pa Asociacionnan di Public Relations, na cual Antillas a desea di tabata presente. Como cu nan a logra funda N.A.P.R.A. na tempo, por cierto Antillas tabatin un representacion tanto na e congreso pa a duna acie-de-presence y expresa nan opinion.

E ultimo aki ayera mainta a keda

comproba un bes mas, ora cu senyor Jesurun, kende na september tabata e lider di delegacion, a lesa su rapport di cuarenta pagida pa e congreso tende. Considerando e importancia y solidez di e rapport aki a ser decide pa no limita su publicacion na e mlembronan solamente, pero pa manda un copia na tur e departamentonan di Public Relations den e-Stranheria. E estatutonan cu a ser prepara door di senjores H.A. Christen, E. Byington, Gale, Whitfield, y W. H. Sprangers a duna poco material pa comentar. Despues di algun observacion di un y otro e estatutonan a ser aproba unanime y cu urgencia lo ser dirigi na gobernador pa aprobacion, afin pa duna N.A.P.R.A. su rechtspersoonlijkheid.

Fl. 50.— di contribucion

Riba esaki e directiva a presenta algun proposicion importante. A ser recomenda pa pone mas urgencia den intercambio di pelicularnan entre Antillas y Venezuela, cual ta un punto cu anteriormente a ser trata eiba. Tambe a ser proponi y decide pa tantu na Aruba como na Corsow forma un „comision di actividad“ pa e asociacion aki. E comision na Aruba lo ser forma pa senjores Piña y Kuiperi, na Corsow senjores Jesurun, Rudy J. Dovalé y A. Beaujon.

E intencion ta pa e comisionnan aki reuni cu frecuencia, cada uno na na- isla y traha planan pa stimula e trabau di Public Relations y perfecciona esaki. Despues di esaki nan a conveni 'riba un sugestion di d'ce- tiva pa cobra contribucion di fl. 50.— pa anja pa cada miembro dje asociacion. E tarifa aki ta pa miembro y miembro extra-ordinario, cual ta un autonan tin derecho igual di vota den e asociacion. Un debate 'riba e asunto aki tabatin un cambio ehikito den e huishoudelijk reglement di e asociacion como resultado. Prome tabata stipula cu e edad pa bira miembro tabata mimo 21 anja y edad pa miembro extra-ordinario 18 anja, awor a ser dicide pa mantene e mesun edad pa ambos categoria. Por ultimo presidente Henriquez a propone pa den futuro tene dos reunion general pa mlembronan. Tambe e proposicion aki a ser aplaudi pa tur e presentenan y a ser conveni pa tene e siguiente reunion luna di juni a Corsow.

Ora cu tabatin ocasion pa haci presentenan tabatin d'scusion 'riba e cantidad di miembro pa cual representacionnan di diferente ofishi lo por ser considera, nan a bai di acuerdo cu formacion di un comision di miembro door di directiva, cual lo atende cada peticion apart. A puntra cu bestuur a tuma contacto cu e empresa of instancianan na Bonaire pa bira miembro di N.A.P.R.A., a ser contesta cu sr. L.A. Abrahams di Bonaire, tambe oficina di turismo bira pregunta munstra di tin interes.

Despues cu presidente Henriquez a g'rdici organizadornan Arubano di reunion na number di tur pa nan bon preparacion i afable recepcion e reunion a keda clausura i e dashing-i camisanan blanco a ser cambia pa sportshirts, cu tabata pas mehor pa un barbecue, cu corto despues e tuma laga riba terreno di hotel. Ajera noch mayor parti dje representacion Curazolenjo a regresa Corsow.

F A T U M—Tel.: 1845
pa tur bo oseguronan

AWE LAGO TA ENTREGA E TROEPHUIS NA BADEN POWELL GROEP

ORANJESTAD — Nos a tende di departamento di Prensa y Propaganda di Nederlandse Padvindere, cu di parti di departamento di Public Relations di Lago, nan a wordo informa cu awe Lago ta entrega e grupo di Baden Powell na Oranjestad, un barak cual lo bira un troephuis.

E troephuis ta basta grandi y lo ser transporta den dos parti. E prome parti ta sali for di Lago awe mainta pa mas o menos 7or y mei y lo ser transporta pa e terreno di „Nederlandse Padvindere den vecindario di e clubhuis Dakota den Fergusonstrat.

Prome baby di anja ta Elmer Johan Eduard Themen

ORANJESTAD — Segun informacionnan cu nos tin di Censo na nos isla, e prome baby di anja 1962 ta Elmer Johan Eduard Themen. Su tata ta Eduard George Themen, su mama Warme Nouwi Labad. Pues Elmer ta e baby di suerte di 1962.

Preces So'r di marduga dia prome di januari Elmer a bini na mundo. Su adres ta Spaans Lagoen no. 7. Gracias na e tradicidn di tur anja di firma E. & G. Martijn (Aruba) Ltd. y e actividad di Arubaanse Courant, buntu cu cuope-

racon di diferente comerciante na nos isla, Elmer ta ricibi un lista grandi di regalos. Den nos edicion di mayan nos ta bolbe detayadamente cu mas informacion di e prome Baby di Anja, Elmer.

Abber. Pa e motibu aki a manda jama Sr. Every di Saba pa St. Maarten pa consulto. Sin embargo e no a aparece y a larga ministro president queda spera. Di parti di RVD nos a hanja tende acerca, cu segun informacionnan di gobierno, sr. Every no a pone Gezaghebber di Isla Riba na altura di eventual malversacionnan, pasobra hustamente cu motibu dje rumorinan cu ta circula. Sr. Jonckheer quier a combersa eune.

Entretanto di parti di Gezaghebber nan ta haciendo un investigacion na e eventual malversacionnan. Cu mester socede cu despues dje investigacionnan aki no tin ningun caso di malversacion, anto e confianza ta ser expresa y e acusacionnan lanza ta ser rehabilita trobe.

Controversie
E cantidad di keho cu antes tabata jega na ora di directiva di e teatro a conduci cu nan mesier a cerra e teater Aurora pa basta tempo pa nan haci un re'stauracion completo. Den e sentidn aki directiva di De Veer teater a logra un exito completo.

Apesar cu teater Aurora no a bira un teatro lujo, el a bira un teatro agradable y limpi. E stoelnan cu an-

CAS DI TIVOLI ENTREGA NA E GANADOR
ORANJESTAD. — Diabierne u.p. directiva di Tivoli Club a entrega e cas cu tabata e premio di e loteria di Tivoli Club y cu a ser gana pa senyor Roman Geerman di Noord Cura Cabaj nr. 26.
E pasamento di akto a tuma lugar den oficina di notario in erino C.W. J.J. Heufke. Tabata presente na number di Tivoli Club e president senyor Albert Raven

Teatro Aurora a hanja cinemascopie awor

SANTA CRUZ — Pueblo di Santa Cruz ipeus lo por kere nan hasta diasabra dia 20 di januari proximo, ora cu nan drenta Teatro Aurora, cual 'riba e dia ey lo ser re-inaugura cu fiesta despues di tabata cerra pa hasta tempo. Loke por mira ta un teatro completamente arregla na deseo di e publico, ademas awor e tin cinemascopie!

E mehoracion mas importante ta e pantalla di cinemascopie cu nan a pone awor, di manera cu pueblo di Santa Cruz por gosa di e sistema moderno di proyeccion di pelicula. Y pa pone e toque final directiva a percura pa medida cu awor por mantene order mehor den e teatro. E renovacion di teatro Aurora a costa fl. 25.000.—.

Plan ta existi pa den curso di e anja aki pa aumenta e cantidad di sientonnan. Actualmente capacidad di e teatro ta pa 400 sientu.

Re-apertura diasabro

Habrimento di e teatro aki ta tuma lugar diasabra noch dia 20 di januari proximo den presencia di sientonnan notable. E pelicula cu lo ser presenta e nochi aki ta „Salomon y Sheba“, mientras cu „Los Elegantes“ e grupo di rock 'n roll di Trupialnan, lo amenza e programa cu mei ora di show prome cu e pelicula cuminsa.

NAN A CONDENA EX-OFFICIAL ISRAELI

TEL AVIV, 15 jan. — Awe nan a acusa e ex-teniente coronel Israeli Baer pa diez anja di prison pa motibo di spionaje. Nan a acusa di a duna informacionnan na un agente di un potencia strajo. E jueznan ta di opinion, cu Baer no a actua pa hanja mas provecho, pero cu e seguridad cu e por a establece lasonan, cu ta di balor pa e pais.

Nan no a anuncia e number dje pais comunista en relacion. E sesion, cu a cuminsa dia 25 di juni di arja pasa, a wordu tene pa gran parti tras di porta cerra. Nan a acusa Baer i el a bisa, cu e lo apela.

Baer a nace na Vienna y e ta un experto militar Israeli. E ta traha na e ministerio di defensa y tabatin contactacion cu lidernan militar di West Europa.

La Reina Juliana a bishita diferente hospital na unda victima dje desastre di tren na Utrecht a ser transporta dialuna mainta y cu a cobra mas di 90 morto. Den e hospital militar central „Oog In Al“ na Utrecht Su Mabestad a papla entre otro cu sergeant la clase I. Groenewold for di Zuidlaren, cu tabata sinta den e prome coupe dje trein for Leeuwarden y cu door di forza dje colision a ser henta over di bentana.





E hobencia aki ta trahando cu masha tino y energia na un problema den e laboratorio científico di Vassar College. Pues manera nos por mira aki e studiantenan no solamente ta hanja enseñanza teoretica, pero tambe practica.

MINISTER BRITANICO NA TRINIDAD

PORT OF SPAIN, 15 jan. — E minister britanico di Colonia, Maudling, a bai Trinidad sin tin un plan fijo pa su intento pa revivi e federacion West India.

Pero, usina el a bisa na un conferencia di prensa, mi bishita lo segura decisionnan, cu nan mester tuma liber y eficaz.

El no a bisa cu e lo haci un oferta positivo pa e ayudo financiero segun nan ta spera, e lo delibera durante tres dia cu e gobierno. Tambe e lo bai Barbados pa un encuentro cu e premier nobo, Errol Barrow.

EXTENSION DI UNIVERSIDAD NA ASIA

Segun e existente planann actual, e universidad di Malakka lo ser dividi na 1962 den dos universidad apart. Uno na Kuala Lumpur y e otro na Singapore. Foi Ceylon nos ta ricibi noticia cu a habri un universidad nobo na Anuradhapura, enteramente segun ideanan dje Universidad Santiniketan na Bengalen, institui door di Rabindranath Tagore.

Number dje universidad nobo ta Triambapani; e obheto principal lo ta pa concedi ayudo y apoyo na escritor, poeta y pintornan.

E universidad nobo ta ser sostene pa Ministerio di Educacion Ceylones, mientras India y Canada tambe a priminti nan sosten denter dje cuadro di Colombo-plan.

— Unesco

E CONFERENCIA PAN-AFRICANO DI FEDERACION NA DAKAR

DAKAR, 15 jan. — E conferencia Pan-Africano di federacion na Dakar a acepta un resolucian, den cual nan ta pidi e federacionnan dje paisnan di NAVO di invisti cerca nan gobierno di pone un fin na e abastimientu di equipo militar na Francia.

E conferencia a aproba un rapport, den cual nan ta bisa, cu solamente un sistema socialista, den cual nan ta tene cuenta cu e personalidad y cultura dje pueblo africano, por duna Africa un politica democratico y un economia progresivo.

Tambe e delegadonan a papia tocante tur ayudo posibel pa e poblacion di Kenya y su lucha pa independencia completo.

mes pa e rol di e guia cu ala. E premiere mundial lo tuma luga na Otonio i Cruz Roja Internacional lo duna su cooperacion na e pelicula aki. (UNESCO)

E AVENTURANAN MILAGROSO DI NILS

Pronto mucha nube y mucha hombernan di hopi pais lo bin goza di aventuranan masha anima di Nils Holgersson, e heroë foi un buki di Selma Lagerhof.

E anja aki e pelicula „Aventuranan di Nils“ lo bin cla. E pelicula ta skirbi segun e buki dje mes titulo.

E historia ta cita com riba lomba di un gans Nils ta haci un viuelo di su pais natal na sur di Suecia pa e superficialnan di ijs eterno dje parti noord di Lapland. E pelicula ta di color y tur bintu el a exigi cuater anja di preparacion y trabao.

Regisor dje pelicula aki, Kenne Fant, a tuma den su servicio un exerto Frances Albert Lamorisse, kende su pelicula „Le Voyage en Ballon“ (Un viaje en Ballon) ta describi e viaje, cu un mucha Frances a haci cu su tio den un ballon over di Francia. E aventuranan di Nils le ser filma riba un altura di cinco of 10 meter riba suela.

E rol di Nils lo ser ocupa pa un mucha homber di 9 anja, cu a ser scobi foi 10.000 candidato. Ya nan tin cuater luna caba ta train un gans di berde

BRINGAMENTUNAN BANDA DJE CAS DI E VICE PREMIER CONGOLES

LEOPOLDSTAD, 15 jan. — Un unidad di gendarmen Congoles, cu ta fiel na e vice-premier Loencembista, Gizenga, a cambio su cas cu ta rondona pa soldanan den un bastion y nan ta tira riba e militar, cu ta fiel na e gobierno central. Te ainda e bringamentunan rond dje cas na orilla di e rio ta sigi. Nan a bisa den circulacion na Nacionnan Uni, cu ocho gendarme di Gizenga y seis solda di general Loendoela a muri. E cas ta keda mei mei di un plantacion tropical y ta un lugar ideal pa defende. Hobennan cu ta arma cu gas, i balsec, y garolinan cu elabu y flecha ta yuda e gendarmen di Gizenga.

Segun un portavoz partidariano di Gizenga a mata tres oficial di e exercito di general Loendoela. Segun circulacion bon informada e presidente di e provincia oriental ta partidario di Loendoela.

SITUACION NA E LUGAR DI DESASTRE NA PERU

HUARAZ, 15 jan. — E casho Salvavidia Hulandes Roy Roland a busca ayera den e lugar di desastre na Peru na e victimanan dje avalancha y e terremoto nan ta duna cu e casho lo tin hopi exito na e lugar di desastre. Campesinonan cu ta biba banda dje lugar cu ta tapa cu piedra, terra y ijs, kier sali for di nan pueblo pasombra nan tin miedo pa e desastre aki no repiti un bes mas. Y nan ta pone, e autoridadnan, de problema.

E autoridadnan ta di opinion, cu por tin ainda mas terremotoan y avalanchanan, pero cu nan lo ta solamente na territorionan cu no ta habila y terremoto a forma un lago di mei milyon meter cuadro, cu awor aki ta paree cu e ta bai kibra un dikë rond di dje, cu tambe e terremoto a forma.

Si e kibra e por causa otro avalanchanan. Na e lugar di desastre tin necesidad di cuminda.

YABI pa bo exito!

Avisa den ARUBAANSE COURANT y compara e resultado!

RESOLUCION CONTRA DI PORTUGAL

DAKAR, 15 jan. — E conferencia Pan Africano di e movimentunan di obrero a acepta awe na Dakar un resolucian, den cual nan ta ordena e paisnan di NAVO di ehere tension riba Portugal pa motibo di e politica dje pais aki en vista di Angola. Tambe nan ta pidi e paisnan Africanos di restablece nan relacionnan cu e paisnan di NAVO, si esakinan no tuma ningun paso efectivo. Delegadonan for di Brazzaville a entrega e resolucian aki, y e la apoya door di ex Coego Frances, Nigeria y Senegal.

Nan ta ofrece pa haci un prohibicion pa e avionnan y bapornan Portugues no pasa na e paisnan Africanos.

LUCHA CONTRA MOVIMENTO DI OBRERO BRITANICO

LONDEN, 15 jan. — E liga di pueblo pa defensa di libertad, un organizacion ingles, cu tin como fin di „combati“ e „tirania“ dje federacionnan, a anuncia ajera planann pa un oficina di post pakket particular pa caba cu e retraso di e cartanan, cu ta consecuencia door di e accion di puntualidad di e 170.000 ambtenaanan di PTT.

Siman pasa e liga a trata di establece un servicio, cu mester a entrega e cartanan, pero nan no por a ehecuta e plan aki, pasobra e ta contra e monopolie di PTT.

Segun e plan nobo nan lo distribui den tur parti dje pais e paketenan. E gastonan pa esaki ta mas altu cu e prijs normal di PTT. Pero e liga a bisa cu nan por distribuian prome cu 24 ora.

Cas familiar tabata semper e hogar di mas importante pa Sra. Peterson, secretaria nobo di Lugo y Directora di Women's Bureau. E ta pensa cu „bo hogar mester sea e sitio camina bo ta sinti bo completamente sigur, den amor y compania di esnan queri na bo y na unda bo presencia ta desea y anhela. „Nos ta mire aki ta traha den cushina hunto cu su yiu mube Karen di 22 anja di edad y su yiu bomber Lars di 14 anja. Famia Peterson tin dos otro yiu homber mas cu ta estudiante na Harvard University.

Ata oportunidad pa obtene un figura „IDEAL“

Nos a caba di ricibi „MASPO“ e aparato di masashi pa un busto firme y atractivo.

Pa mas informacion, acudi na:

LA LINDA

Pa un sabroso sandwich di HAM, ham cu webo, keshi, of webo,

pa na

OASIS

Skina Oranjestr./Steenweg tel. 2874

Dr. Adaulfo Martinez Martinez

Dentista-Cirujano

Cu equipo dental di alto velocidad cu ta disminuye e dolor ora di drechamentu na minimo.

Puente renovible den VITALLIUM

Hora di oficina: 8 - 2 a.m. 2 - 6.30 p.m.

Tel. 5701 - Zeppenfeldstr. 26 San Nicolas.

CEMPRO N.V.

Wayacka - tel. 2444

PA TUR BLOKKI PREFAB BALKI RIBA BENTANA CEMENT DI PRIMERA CALIDAD

Pa instalacion di electricidad

Joaquin M. Kelkboom

HENDRIKSTRAAT No. 1 TEL. 2228

TEL. 1637 RONDWEG 49

Bloemenhuis ROZENoord

pa FELICITACION DI NACIMENTO

Laga un experto hacl bo trabon

MI TA BAI SERCA

PETRONA & CROES

pasobra aya mi por cumpra verf marca PIETER SCHOEN y pasobra.....

HENRIQUEZ AGENCIES

WHOLESALE IMPORT EXPORT

COMMISSION AGENTS Havenstraat nr. 18 - Tel. 2339

HOLMAN-VAN EERDEN

CONTRATIS - EMBALADOR TEL. 1595-1199

CONSTRUCCION RECONSTRUCCION-REPARACION



SAMBA: UN REVISTA PA HUBENTUD AFRICANO

Peligronan di un fragmento di bufalo — di Africa pa Europa en un avion di reaccion — con mester ser un bon miembro di parlamento — un school di modelo, esakinan ta un paar di ejemplo dje obhettanan cu ta interesa e lectornan Africanos hoben, segun impresion cu bo ta hanja ora cu bo leza bo-luntariamente un articulo di Samba, cu ta aparece mensualmente den Abidjan y Ivankost.

Ilustra cu portretnan, pinturanan i reproduccion di prechinan f'i buki-nan bien Samba ta presenta lo mas mehor manera e por. E ta duna indicacion na mucha mihenan con mester cose panja, echa shimitan, e ta duna modelonan di avion pa mucha hombernan i tambe articulonnan respectivo e manera i sistema di bida na cada pais, tambe a ta publica chistes i cartanan di su lectornan.

CISCO KID

1. „E ta muriendo Cisco!“
2. „Si pero laga nos trata di salbe!“
3. E homber herida ta bini bei i ta murmurá algun palabra...



JUAN EL INTREPIDO

1. „Kiko bo kier criatura?“
„Si abo ta e doktor di e barzo mi ta busca abo...“
2. „Mi a trece noticia di e señora cu ta bisa cu e ta e esposa di Dr. I'Enne pa bo. I'Enne sperabo den e café ey?“
„Kiko lo ta cu e tin di bishita?“
E no a bisabo...“
3. „E traco a trece resultado! Curiosidad ta hasi e mihenan bai perdi. E cos mas strano ta cu panu ta sil e cu te pa biscele e berdad!“



Voor dames die iedere dag van de maand actief willen zijn.



Wat U ook doet, waar U ook gaat, U voelt zich zeker, comfortabel en veilig met de nieuwe Kotex Sanitair.

De nieuwe Kotex is de veiligste en beste bescherming die er bestaat, omdat het beter past en beter absorbeert.

Een zachte nieuwe samenstelling maakt het ongelooflijk zacht en wonderbaarlijk sterk.

De nieuwe Kotex geeft U extra bescherming, ongeacht wat U doet. Of U zit of loopt, Kotex in de nieuwe uitvoering beschermt beter en langer.

Probeer de nieuwe Kotex spoedig, dan kunt U zelf ondervinden waarom meer vrouwen Kotex verkiezen boven alle andere merken.

Probeer tevens de nieuwe Kotex sanitair gordels. Zelfsluitend, zacht en stevig voor volledige bescherming.



KOTEX is a trademark of Kimberly-Clark Corporation

AVISA DEN
„ARUBAANSI COURANT“

NOVENO WEGANAN CENTROAMERICANO Y CARIBENJO NA JAMAICA

(Di nos redactor deportivo)

Nos a ricibi un programa di e IX Weganan Centra Americano y Caribenjo cual lo worde teni e anja aki na Kingston ciudad capital di Jamaica durante e periodo di 21 di juli te 4 augustus. Paisnan cu a worde invita pa e evento aki ta Bahamas, Guyana Ingles, Colombia, Costa Rica, Cuba, Republica Dominicana, Salvador, Guatemala, Haiti, Honduras, Mexico, Antillas Hulandes, Nicaragua, Panama, Puerto Rico, Venezuela y West Indies.

Un total di 11 comite tin henter e organizacion den man.

Lo tin competencia den 15 diferente ramo di deporte. Nan ta atletismo, beisbol, basketbol, boxeo, ciclismo, esgrima, futbol, tiro, landamento, tenis, volleyball, waterpolo, himamento di peso, lucha libre y yachting.

Ademas lo forma como parti di e programa completo un Festival di Arte di Antillanan Occidental comprendiendo: dansa, drama, artes di man, literatura, muziek, pintura, exposicion filatelica, fotografia y escultura.

Atletismo: Den e deporte aki lo tin competencia tanto masculino como femenino.

Pa hombra lo tin encuentro di carrera den 100, 200, 400, 800, 1.500, 5.000, 10.000 y 21.097,50 meter. E ultimo aki ta worde yama Carrera Centro Americano. Tambe lo tin 110 meter cu obstaculo y 400 meter cu obstaculo y 3.000 meter steeplechase.

Pruebanan di campo ta salto halto, salto largo, triple salto, polstok, sneerwerpen, lanzamiento di disco, di bala y di martiel.

Pentathlon ta consisti di 200 meter, salto largo, lanzamiento di disco, di speer y carrera di 1.500 meter.

Pa damas lo tin carrera di 100 meter y di 80 meter cu obstaculo. Prue-

banan di campo ta salto halto, salto largo, lanzamiento di disco y di speer, hombra den 400 meter (4 x 100 meter) y 1.600 meter (4 x 400 meter).

Pa damas den equipo tin 400 meter relevo (4 x 100 meter).

Inscripcion permiti ta di tres competidor sin suplente pa nacion pa e pruebanan individual y cuatro competidor pa nacion y dos suplente como maximo pa e pruebanan di relevo.

Listanan di e pruebanan den cual cada nacion ta desea di participa mester worde ricibi pa mas tarda dia 12 di mei 1962, mientras cu e inscripcion final di equiponan y individualnan mester ta ricibi pa dia 15 di juni 1962 door di e Comité Organizador.

Atletismo ta irba programa pa cuminsa dia 28 di juli y eaha dia 4 di augustus.

Beisbol
E deporte aki lo worde hunga entre dia 23 di juli y 1 di augustus.

Cada nacion por hiba maximo e cantidad di 18 hungador. Fechanan di inscripcion pa nacion ta te cu dia 12 di mei 1962 y inscripcion final cu nombenan mester ta dia 15 di juni 1962. Si cinco pais of menos participa lo worde hunga dos roundrobin.

Si e cantidad di participante ta entre seis y ocho, lo worde hunga un round robin. Si ta mas cu ocho pais ta participa lo worde forma dos grupo.

Basketball
Tambe lo worde hunga entre 23 di juli y 1 di augustus. Lo tin competencia masculino y femenino. Cada nacion por hiba un equipo, cual lo ta di maximo 14 hungador. Partidonan lo worde hunga 5'or di atardi y 7'or di anochi.

Boxeo
Boxeo ta cuminsa dia 23 di juli y termina dia 27 di mei luna. Cada nacion por inscribi no mas cu un boxeador pa cada categoria, un total pues di 10 boxeador como maximo.

Fechanan di inscripcion ta meskos cu e deportenan anteriormente mencionada.

Ciclismo
For di dia 24 di juni te dia 3 di augustus lo tin competencia di ciclismo. Pruebanan individual lo ta den 1.000 meter velocidad (scratch), 1.000 meter contra oloshi y 4.000 meter perseuccion.

Competencia pa equipo lo ta di 4.000 meter perseuccion pa equipo di cuatro corredor. Prueba di ruta lo ta di 160 kilometer.

Inscripcion permiti ta den e pruebanan individual, un titular pa cada nacion sin suplente. Pa equipo te hasta cuatro titular cu maximo dos suplente pa cada nacion. E carredanan lo worde teni anochi.

Fechanan di inscripcion manera ya menciona.

Esgrima

Pa esaki tin competencia tanto di caballeros como di damas. Pruebanan individual lo tin di floret (damas y caballeros), spada (caballeros) y sabel (caballeros). Pruebanan pa equipo lo ta meskos cu pa individual.

Inscripcion individual permiti ta di tres competidor como maximo pa cada nacion sin suplente pa cada arma, mientras cu pa equipo ta worde permiti un equipo di cuatro persona pa cada arma. Pa equipo ta permiti dos suplente.

Futbol

E deporte aki ta cuminsa dia 23 di juli y termina dia 3 di augustus, e ultimo dia cu lo tin competencia.

E cantidad maximo di hungador cu cada pais por inscribi ta 19.

Dependiendo di e cantidad di paisnan cu inscribi e competencia lo worde forma.

Tiro
Lo worde teni for di dia 23 di juli te cu dia 1 di augustus. E maximo cantidad di inscripcion permiti ta dia 2 pa cada prueba pa cada nacion. Un total di ocho prueba lo ser teni.

Landamento

For di dia 23 di juli te dia 28, lo tin competencia tanto entre caballeros como entre damas. Pa caballeros lo tin prueba di 100, 400 y 1500 meter di estilo liber, 100 meter lomba, 200 meter Pecho, 200 meter vlinder y 400 meter combinado individual.

Pa damas lo tin competencia di 100 y 400 meter estilo liber, 100 meter lomba, 200 meter Pecho, 100 meter vlinder y 400 meter combinado individual.

Inscripcion pa e pruebanan individual ta maximo tres pa cada nacion sin suplente y pa prueba di equipo, un equipo di cuatro landador cu dos suplente pa cada nacion.

Tennis

Pa e deporte aki tambe tanto damas como caballeros por inscribi. Lo worde hunga for di dia 26 di juli te dia 1 di augustus.

Pa singles ta worde permiti tres competidor pa cada nacion sin suplente, pa dobel un equipo di dos hungador pa cada nacion y pa dobel mixto un equipo pa nacion. Canchanan usa lo ta di hierba. E competencianan di singles y dobel masculino lo ta di a cinco set.

Volibol

Lo worde teni for di dia 24 di juli te dia 30. Cada nacion por inscribi un equipo cu maximo 12 hungador.

E forma den cual e competencia lo worde hunga ta depende di e cantidad di paisnan cu inscribi. Lo tin competencia tanto masculino como femenino.

Waterpolo

Esaki ta worde hunga for di dia 23 di juli te dia 31 di juli. Cada nacion por inscribi un equipo cu un maximo di 7 hungador y 4 reserva.

E partidonan lo worde teni atardi y anochi. E forma den cual ta worde hunga aki tambe ta depende di e cantidad di equiponan participante.

Himamento di peso

Den apenas tres dia, 23 te cu 25 di juli e competencianan di himamento di peso lo ta cla. Cada nacion ta worde permiti un competidor pa cada categoria. Promer dia di competencia lo ta di pesonan gallo y pluma, segundo dia di pesonan ligero y me-

di y tercer dia di pesonan semi-completo, ligero-pesado y di completo.

Lucho libre

Esaki lo dura for di dia 26 te cu dia 28 di juli. Pa cada categoria un nacion por inscribi un competidor. E categorianan ta peso moscam gallo, pluma, ligero, semimediano, mediano, semipesado y pesado.

Yachting

Esaki ta worde teni for di dia 23 di juli te cu dia 1 di augustus. Den e siguiente elacion, e nacion ta worde permiti pa inscribi maximo un boto: Clase Internacional Dragon;

Tripulacion maximo di dos amateur y un suplente.

Clase Flying Dutchman: Tripulacion maximo dos amateur, suplente uno. Clase Snipe: Tambe tripulacion di dos amateur como maximo y un suplente.

Clase International Star: Tripulacion tambe di dos amateur y un suplente maximo.

Esaki pues ta e diferente ramonan di deporte cu nan duracion den e Noveno Weganan Centro Americano y Del Caribe.

No ta gonocei ainda si lo tin un delegacion antiano presente cu momento cu e weganan ser inaugura dia 21 di juli na Kingston.

Sin duda algun den diferente ramo di deporte nos pais tin competidor cu lo por haci bon papel. Nos ta pensa riba himamento di peso, esgrima, futbol, y talvez te hasta den ciclismo.

Den e ultimo deporte aki na nos isla tin e valiente rumannan Ceiffe y Sweetman, kende merce cu chens di midi nan forza den un competencia manera den e Noveno Weganan Centro America y Caribenjo.

Pa e cuatro deportenan aki menciona ta for di Corsow sin embargo mester sali e iniciativa pa prepara y manda un delegacion.

E unico deporte den cual ta Aruba lo tin di bisa si ta bai un delegacion ta den beisbol. Directiva di A.B.B.A. sin embargo no a tuma un decision definitivo aind aen relacion cu e posibilidad di manda un delegacion.

TENNIS NA ARUBA JRS

(Di nos redactor Deportivo)

Ayer tardi riba cancha di Aruba Jrs. a worde hunga dos partido perteneciente na e torneo organisa door di e club ey.

E promer match tabata entre Luis „Chia“ Brion y De Graaff. Facilmente y cu score de lo mas conveniente Chia Cannonball Bic a obtene su promer triunfo. Despues di gana e promer set cu score di 6-0, den e segundo Brion a permiti su rival De Graaff obtene un game ganando pues 6-4.

E segundo match a baj entre Herman Kuiperi y Edgar Kelkboom, wega cu siman pasa mester a worde suspendi. Despues di gana e promer set 7 pa 5, Kelkboom a gana e segundo tambe cu score di 6 pa 4 pa asina gana e match den dos set straight. Kelkboom indubidablemente tabata tin un bon atardi y demostrando un bon domina backhand den transeurso di e match a sabi di obtene un triunfo merecidamente. Pa ambos tabata e promer wega di e torneo.

Majan atardi e torneo ta continua riba cancha di Aruba Jrs.



ARIES
21 Maart — 18 April

E dia di awe lo bira un di nan masha activo pa bo. Lo bo pasa toch ratunan masha agradable.

TAURUS
20 April — 20 Mei

E dia di awe ta excelente pa asuntunan di bo financia i mehoracion di bo posicion.

GEMINI
21 Mei — 21 Juni

E anochi aki tur cos ta na bo favor. Probecha haci uso di tur chensnan cu presenta.

CANCER
22 Juni — 23 Juli

Ta parce cu e dia di awe ta masha bon pa bo atende bo mes problema personal. Cu brio!

LEO
24 Juli — 23 Augustus

Ta presenta un bunita chens pa bo agrega un herde na bo circulo di amigunan. Haci bo posible.

VIRGO
14 Augustus — 23 September

Ta un mainta excelente pa fortifica bo posicion. Bo por tener contacto cu personanan influyente.

LIBRA
24 September — 23 October

Ta bon pa mira dilanti i traha bo planman segun bo posicion lo yuda bo.

CAPRICORNUS
24 October — 22 November

Utiliza e oranan transaccianan interesante. No spera mucho cosa di otro nan.

SAGITARIUS
23 November — 21 December

E mainta aki ta net bon pa bo por logra algu door di cooperacion. Loke otro nan haci, ta yuda bo bai dilanti.

SCORPIO
22 December — 20 Januari

Ta un mainta favorable pa bo cumpli cu tur diligencianan cu colega i patronnan.

AQUARIUS
20 Januari — 18 Februari

Ta spera bo e mainta aki gran libertad pa realiza cosnan grandi. Tur cos ta drecha despues.

PISCES
19 Februari — 20 Maart

Probablemente bo ta na estado di regula un asunto na un manera de lo mas mehor posible.

Placa y mas placa ta regalando RUM COPA ANTILLANA



Anja a habri bon pa sr. SATURNINO BARENO, donjo di RIO RUM SHOP na Santa Cruz 366. E ta e prome ganador di 1962, pero di NUEBE den e concurso fabuloso programa

DOMINO PREMIADO RUM COPA ANTILLANO

Den presencia di sr. W. Scholt director y C. Turkenburg accountant, senior Jossy Laele, manager dje firma ta entrega sr. Bareno su check di fl. 100.—.

RUM COPA ANTILLANA

EL DIARIO DE UNA VIDA

1. „Bo rumann mester tin amistad di hopi influencia, enter polis y demas uro ta asina?“ „Su mih amigo ja e teniente Hearn?“ 2. „Hearn?“ „Si Eddy Hearn ta un polis di Devon... V e tin hopi amigo polis manera?“ 3. „Polis eh? Ki interesante!“



PEPITA

1. „Mi lo no mester come awor, pero mi tin hamber.“ 2. „Kiko bo opinion ta Pepita? Come of no?“ 3. „Responde mi querida come of no?“ „Mi no tin e menor idea.“ 4. „Ela convence mi!“



Dos habitante di e luga Sueco cu jama Bromma ta tuma foi anja 1930 cada anja nobo mainta un banjo. Esaki lo no tabata asina particular riba su mes ora cu nan no tabata haci esaki den aire libre — y cu mayor parti nan mester a kap cu hacha den ijs pa nan por a bai fresca nan curpa. Tambe riba otro dianan den invierno nan sa gusta tuma un banjo, pero riba dia di anja nobo esei a bira un tradicion fiho. E cos di mas pret ta, cu hasta e fotografo cu a saca e portret aqui tin masha cos di friu bisti y cu mannan tur na calembé di frialdad.